



REPUBLIKA E SHQIPËRISË
GJYKATA E SHKALLËS SË PARË E JURIDIKSIONIT
TË PËRGJITHSHËM ELBASAN



PLANI STRATEGJIK I KOMUNIKIMIT PËR GJYKATËN E SHKALLËS
SË PARË TË JURIDIKSIONIT TË PËRGJITHSHËM ELBASAN PËR PERIUDHËN TETOR-
DHJETOR 2024

1. HYRJE

Në vijim të zbatimit të Planit Strategjik të Komunikimit për Sistemin Gjyqësor, miratuar me vendimin nr. 590 datë 26.11.2020, në zbatim të Ligji nr. 115/2016 “Për Organet e Qeverisjes së Sistemit të Drejtësisë” i ndryshuar, në zbatim të nenit 91 të tij Gjykata e Shkallës së Parë e Juridiksionit të Përgjithshëm Elbasan vijojë punën për realizimin e objektivave që Këshilli i Lartë Gjyqësor ka miratuar për sistemin gjyqësor.

Gjykata e Shkallës së Parë e Juridiksionit të Përgjithshëm Elbasan, ka raportuar paraprakisht për realizimin e objektivave të përcaktuara në Planin e Komunikimit për Gjykatat, përkatësisht në Raportin Nr. 1. në Raportin Nr. 2., në Raportin Nr. 3, e cila nisi zbatimin në mars të vitit 2023, Raportin Nr.4 për periudhën dhjetor 2023- shtator 2024.

Ju përcjellim në vijim Raportin Nr.5., mbi veprimtarinë e Gjykatës së Shkallës së Parë të Juridiksionit të Përgjithshëm Elbasan në funksion të realizimit të detyrave të mbetura për realizim të përcaktuara në Planin Strategjik të Komunikimit në përputhje me realizimin e objektivave të Planit të Veprimit për periudhën Tetor- Dhjetor 2024.

2. RAPORTI I ZBATIMIT TË OBJEKTIVAVE TË PLANIT STRATEGJIK TË KOMUNIKIMIT PËR SISTEMIN GJYQËSOR NË GJYKATËN E SHKALLËS SË PARË TË JURIDIKSIONIT TË PËRGJITHSHËM ELBASAN PËR PERIUDHËN 01.10.2024-31.12.2024.

Në zbatim të objektivit nr. 1, i cili parashtron nevojën për informimin e publikut, të objektivit nr. 2, i cili synon: identifikimin, promovimin, informimin dhe rritjen e transparencës së sistemit gjyqësor nëpërmjet përdorimit të teknologjisë së informacionit, si mjet novator i komunikimit në mënyrë efikase dhe të shpejtë, mes grupeve të interesit dhe gjykatave dhe të përshtatjes së formës tradicionale të komunikimit të gjykatave me teknologjinë e re, për t'iu përgjigjur kërkesave të publikut dhe nevojave të tyre për një komunikim interaktiv, të shpejtë, efikas dhe cilësor dhe në përshtatje dhe të objektivit nr. 3, i cili synon informimin e publikut me një gjuhë të thjeshtë dhe të kuptueshme, mbi funksionet, veprimtarinë e gjykatave Gjykata e Shkallës së Parë e Juridiksionit të Përgjithshëm Elbasan ka ndërmarrë këto hapa:

- Me qëllim promovimin dhe transparencën e informimit të publikut janë publikuar njoftime në lidhje me procesin e rishoritimeve dhe formularëve që lehtësojnë aksesin dhe procedurat e palëve të interesit në gjykatë të cilat janë njoftuar në këndet e informimit të dedikuara në ambientet e Gjykatës, në faqen zyrtare në rubrikën Njoftime për Publikun dhe në rrjetet sociale.
- Në kuadër të miratimit të “**Strategjisë Kombëtare të Uljes së Numrit të Çështjeve të Prapambetura në Gjykata (2024-2027)**”, maj 2024, Zv/ Kryetari i Gjykatës së Shkallës së Parë të Juridiksionit të Përgjithshëm Elbasan **z. Artur Prenga**, mori hapa konkretë në Mbledhjen e Përgjithshme të Gjyqtarëve të Gjykatës së Shkallës së Parë të Juridiksionit të Përgjithshëm Elbasan, datë 15.10.2024 me Vendimin nr. 1796 prot., datë 21.10.2024 të Këshillit të Gjykatës së Shkallës së Parë të Juridiksionit të Përgjithshëm Elbasan vendosi: “(...) 2. Kategorizimi dhe inventarizimi i çështjeve gjyqësore të prapambetura dhe marrja e masave në vijim me qëllim uljen e numrit të çështjeve gjyqësore të prapambetura (...)”. për analizimin dhe përcaktimin e një metodologjie objektive për të kategorizuar dhe inventarizuar listat e grupçështjeve të prapambetura që do të vendosen në lëvizje me procedura të përshpejtuara. Në zbatim të **objektivit Nr. 7.**, të “Strategjisë Kombëtare të Uljes së Numrit të Çështjeve të Prapambetura në Gjykata (2024-2027)” e cila përcakton *Rritjen e transparencës dhe forcimi i besimit të publikut në sistemin gjyqësor*, u krye informim publik për palët në proceset gjyqësore, avokatët dhe për publikun për marrjen e masave për uljen e numrit të çështjeve gjyqësore të pashqyrtuara në Gjykatën e Shkallës së Parë të Juridiksionit të Përgjithshëm Elbasan. Materiali është publikuar më datë 01.11.2024 në faqen zyrtare në Rubrikën Pasqyra e Shtypit dhe në rrjetet sociale.

- Në kuadër të mirëinformimit të publikut është krijuar tradita e Njoftimeve për Shtyp si edhe publikimi i njoftimeve që lidhen me veprimtarinë Gjykatës, publikimi i vendimeve gjyqësore të anonimizuara të vlerësuara me interes të lartë publik.

Në zbatim të objektivit nr. 4, i cili synon informimin e publikut, veçanërisht të grupeve në nevojë dhe të miturve, Gjykata e Shkallës së Parë e Juridiksionit të Përgjithshëm Elbasan, ka ndërmarrë këto hapa zbatimi:

- Më datë **03 Dhjetor 2024**, në kujtesë të Ditës Ndërkombëtare të Personave me Aftësi të Kufizuar, **Zv/Kryetari i Gjykatës** së Shkallës së Parë e Juridiksionit të Përgjithshëm Elbasan **z. Artur Prenga**, Gjyqtari i Medias **z. Ardit Kuka** dhe Gjyqtarja **znj. Suela Lika**, mirëpritën drejtues, mësues dhe nxënës të shkollave të mesme: **Dhaskal Todri**, **Medrese Liria**, **Ahmet Dakli** të qytetit të Elbasanit, në një takim i cili u realizua në vazhden e aktiviteteve me nxënës të shkollave të mesme, të cilët u angazhuan në asistimin e nxënësve për krijimin e eseve me tematikë “Inkluzioni dhe të Drejtat e Fëmijëve me Aftësi të Kufizuar”, të krijuara nga nxënësit në kuadër të Javës së Drejtësisë të cilët u certifikuan në lidhje me krijimtarinë e tyre. Publikimi dhe përmbajtja e aktivitetit është publikuar në faqen zyrtare në rubrikën Pasqyra e Shtypit më datë dhe në rrjetet sociale të Gjykatës.
- Më datë **10.12.2024** Zv/ Kryetari i Gjykatës së Shkallës së Parë të Juridiksionit të Përgjithshëm Elbasan **z. Artur Prenga**, mirëpriti Këshillin Rinor të Bashkisë Elbasan, në një takim në kuadër të afrimit të komunitetit me gjykatat dhe njohjes së të miturve me Institucionet e Drejtësisë, përmes organizimit të aktiviteteve publike në zbatim të Planit Strategjik të Komunikimit të miratuar nga Këshilli i Lartë Gjyqësor, për ti dhënë mundësi anëtarëve të Këshillit Rinor të Bashkisë Elbasan të njihen me veprimtarinë, ambientet dhe funksionet e gjykatës. Zv/ Kryetari **z. Artur Prenga** mbajti një diskutim të lirë me pjesëmarrësit duke i shpjeguar me një gjuhë të thjeshtë dhe të përshtatshme për moshën e tyre misionin e gjykatës, funksionin dhe rëndësinë e gjyqësorit në sistemin e drejtësisë, kompetencën tokësore në të cilën ushtron funksionin e saj Gjykata e Shkallës së Parë e Juridiksionit të Përgjithshëm Elbasan. Publikimi dhe përmbajtja e aktivitetit është publikuar në faqen zyrtare në rubrikën Pasqyra e Shtypit më datë dhe në rrjetet sociale të Gjykatës.
- Më datë **11.12.2024**, me studentë të Fakultetit të Biznesit dhe Drejtësisë të Universitetit "Aleksandër Xhuvani" vizituam klasat e 9-ta të shkollës "Naim Frashëri" Elbasan. Projekti lindi si ide nga frekuentimi i “Orëve të Hapura në Gjykatë”, ku studentë të Fakultetit të Biznesit dhe Drejtësisë të Universitetit “Aleksandër Xhuvani” Elbasan, të cilët ndjekin vazhdimisht seanca me dyer të hapura të seksionit penal dhe civil, pranuan ftesën për angazhim në projekte të tjera të Gjykatës në lidhje me promovimin e të drejtave për të miturit dhe informimin e kuadrit ligjor për të mitur. Projekt- ideja për zhvillimin e një sërë aktiviteteve me objekt “Këshillim karriere, sensibilizim dhe njohje e të miturve me kuadrin ligjor të drejtësisë për të mitur” u mbështet dhe u formalizua me asistimin dhe qëllimin për të patur një shtrirje më të gjërë në disa institucione edhe jashtë Gjykatës nga Zv/ Kryetari i Gjykatës së Shkallës së Parë të Juridiksionit të Përgjithshëm Elbasan **z. Artur Prenga** dhe Gjyqtari i Medias **z. Ardit Kuka** të cilët udhëzojnë dhe mbështesin formalizimin e projekteve nga ana profesionale dhe ligjore, projekte të cilat Zv/ Kryetari i Gjykatës **z. Artur Prenga**, synon të rriten në nivele profesionale

bashkëpunimi me finalizimin e lidhjes së Marrëveshjeve me Institucionet Arsimore përkatëse. Ky projekt nisi me shkollën 9-vjeçare “Naim Frashëri” Elbasan me bashkëpunimin proaktiv të Koordinatorës së Orientimit në Karrierë znj. Fatbardha Nergjoni dhe Drejtueses së shkollës “Naim Frashëri” të cilat mundësuan aksesin dhe pritjen në shkollën 9-vjeçare “Naim Frashëri” Elbasan. Publikimi dhe përmbajtja e aktivitetit është publikuar faqen zyrtare në rubrikën Pasqyra e Shtypit më datë dhe në rrjetet sociale të Gjykatës.

Në zbatim të objektivit nr.5, i cili synon përforcimin e komunikimit dhe bashkëpunimit ndërmjet gjykatave dhe medias, janë ndërmarrë këto hapa verpimi:

- Më datë **25.11.2024** në Gjykatën e Shkallës së Parë të Juridiksionit të Përgjithshëm Elbasan u zhvillua seminari me përfaqësues të medias. Prologu i takimit nisi me fjalën e Zv/ Kryetarit **z. Artur Prenga**, i cili vlerësoi impenjimin aktiv të përfaqësuesve të medias, si edhe rëndësinë e referimit dhe diskutimin e çdo problematike nga media për rritjen e transparencës publike të Gjykatës. Gjyqtari i Medias z. Ardit Kuka referoi në këtë takim për:
 - Solemnitetin e gjykimit, referuar Vendimit të Këshillit të Lartë të Drejtësisë të Republikës së Shqipërisë Nr.238/1/B, Datë 24.12.2008.
 - Rregullat e askesit në seancë gjyqësore nga përfaqësuesit e medias.
 - Prezantimi lakonik dhe në gjuhë të thjeshtë i pikave kryesore të Udhëzuesi Standard të Marrëdhënieve të Gjykatave me Publikun dhe Median të miratuar me Vendim Nr. 716, Datë 06.12.2023 nga Këshilli i Lartë Gjyqësor, me përparësi u vendos theksi në Nenet Nr.:8, 9, 10, 12 dhe 14 të këtij udhëzuesi.
 - Prezantimi i Formularit të Kërkesës për Regjistrim të Seancave Gjyqësore, si edhe mënyra e plotësimit të tij. Në fund të takimit Gjyqtari i Medias z. Ardit Kuka, propozoi organizimin e takimeve periodike me mediat. Takime të cilat do të organizohen në formën e seminareve me karakter informues juridik, përpos diskutimit të problematikave të hasura dhe tematikave të propozuara nga vetë media në vijim. Publikimi dhe përmbajtja e aktivitetit është publikuar me të njëjtin titull në faqen zyrtare në rubrikën Pasqyra e Shtypit më datë dhe në rrjetet sociale të gjykatës.
- Më datë 15.11.2024 u publikua intervista e Gjyqtarit **z. Elis Dine** i cili pranoi ftesën e znj. **Fatbardha Nergjoni**, pjesë e rrjetit të gazetarëve të medias **BIRN - Balkan Investigative Reporting Network** dhe Elbasanion. **Objekti i intervistës:** Veprat penale që lidhen me krimin kibernetik, dhunën në familje dhe ngarkesën e Gjykatës së Shkallës së Parë të Juridiksionit të Përgjithshëm Elbasan për shkak të vakancave të krijuara nga vetting-u i gjyqtarëve. Publikimi i intervistës u afishua në rrjetet sociale të Gjykatës.

Në zbatim të objektivit nr.6, i cili synon afrimin e komunitetit me Gjykatat përmes organizimit të aktiviteteve publike janë ndërmarrë këto hapa verpimi:

- Më datë **02.12.2024**, Zv/Kryetari i Gjykatës së Shkallës së Parë të Juridiksionit të Përgjithshëm Elbasan **z. Artur Prenga**, mirëpriti në një tryezë takimi Drejtorin e Degës Territoriale të Shërbimit të Provës Elbasan **z. Gentjan Gazidedja**, Specialistët: **znj. Irena Gorrica** dhe **z. Shukri Marku**. Takimi u realizua me synim rritjen e ndërveprimit institucional në funksion të mbarëvajtjes së proceseve gjyqësore dhe standardizimin e praktikave të njësura, inkurajimi për zbatimin e dënimeve alternative, vijimin e një bashkëpunimi eficient ndërmjet institucioneve për paraqitjen e raporteve para gjykatës, për garantimin e të drejtave dhe lirive themelore në zbatim të konfidencialitetit, besueshmërisë dhe integritetit. Publikimi dhe përmbajtja e aktivitetit është publikuar në faqen zyrtare në rubrikën Pasqyra e Shtypit më datë dhe në rrjetet sociale të gjykatës.
- Më datë **12.12.2024**, Zv/ Kryetari i Gjykatës së Shkallës së Parë të Juridiksionit të Përgjithshëm Elbasan **z. Artur Prenga**, mirëpriti avokatët e Dhomës Avokatisë Elbasan, për të dëgjuar shqetësimet e tyre në raport me Gjykatën, nëpërmjet adresimit dhe referimin të saktë të problematikave të hasura, në kuadër të forcimit të komunikimit dhe bashkëpunimit ndërmjet Gjykatës dhe grupeve të interesit. Publikimi dhe përmbajtja e aktivitetit është publikuar me të njëjtin titull në faqen zyrtare në rubrikën Pasqyra e Shtypit më datë dhe në rrjetet sociale të gjykatës.
- Më datë **16.12.2024**, me ftesë të Zv/ Kryetarit të Gjykatës së Shkallës së Parë të Juridiksionit të Përgjithshëm Elbasan **z. Artur Prenga**, u zhvillua takimi me Kryetarët e Bashkive të Qarkut të Elbasanit. **Në takim ishin të ftuar:**
 - Kryetari i Bashkisë Elbasan **z. Gledian Llatja**;
 - Kryetari i Bashkisë Cërrik **z. Andis Salla**;
 - Kryetari i Bashkisë Librazhd **z. Mariglen Disha**;
 - Nënkryetari i Bashkisë Elbasan **z. Asim Sula**;
 - Përgjegjëse e Sektorit të Informimit në Bashkinë Elbasan **znj. Leda Sejдини**.Takimit u zhvillua në kuadër të rritjes së Ndërveprimit Institucional ndërmjet Bashkive të Qarkut të Elbasanit dhe Gjykatës së Shkallës së Parë të Juridiksionit të Përgjithshëm Elbasan, mbi standardizimin e procedurave dhe krijimin e pikave të kontaktit për ndërveprimet procedurale mes Gjykatës dhe Zyrave të Shërbimeve Sociale në Bashkitë e Qarkut, kryesisht me Sektorin e Mbrojtës së Fëmijëve dhe Barazisë Gjinore, pjesë e strukturave të Organikave të Bashkive. Në vijim, në funksion të këtij takimi, do të ngihen strukturat e posaçme me grupet e punës mes Gjykatës dhe Bashkisë Elbasan, të cilët do të hartojnë procedurat konkrete për vendosjen në praktikë të këtij Projekti-Ndërinstitucional, për realizimin e trajnimeve të nëpunësve të administratës së Bashkive të Qarkut Elbasan, që do të specializohen për çështjet e drejtësisë për të miturit. Publikimi dhe përmbajtja e aktivitetit është publikuar në faqen zyrtare në rubrikën Pasqyra e Shtypit më datë dhe në rrjetet sociale të gjykatës.

Në përfundim, ju informojmë se në ditët në vijim do të kryhet publikimi i **Revistës Nr.2**, me një përmbledhje materiale të përmbajtjeve të aktiviteteve dhe ngjarjeve më të rëndësishme të periudhës Shtator 2023- Dhjetor 2024 të Gjykatës së Shkallës së Parë të Juridiksionit të Përgjithshëm Elbasan, si edhe realcionin përmbledhës mbi realizimet dhe mosrealizimet e pikave të Planit të Veprimit Planit Strategjik të Komunikimit për Sistemin Gjyqësor, miratuar me vendimin nr. 590 datë 26.11.2020.

Duke ju falenderuar,

Manjola Kume
Koordinatore e të Drejtës së Informimit
Gjykata e Shkallës së Parë e Juridiksionit të Përgjithshëm Elbasan.

